

საკრებულოს 2024 წლის 26 ოქტომბრის შუალედური არჩევნების საარჩევნო ღონისძიებათა გრაფიკი

არჩევნების დანიშვნის დღე	27 აგვისტო სამშაბათი	1. იწყება წინასაარჩევნო კამპანია (აგიტაცია). (45-ე მუხლის პირველი პუნქტი) 2. არჩევნების დანიშვნის დღიდან ცესკოს მიერ არჩევნების საბოლოო შედეგების გამოქვეყნებამდე და ამ დღიდან 1 თვის განმავლობაში არჩევნებთან დაკავშირებული საზოგადოებრივი აზრის გამოკითხვის შედეგების გამოქვეყნებისას სავალდებულოა, საქართველოს ორგანული კანონის „საქართველოს საარჩევნო კოდექსი“ (შემდეგში - საარჩევნო კოდექსი) 50-ე მუხლის მე-5 პუნქტის მოთხოვნათა გათვალისწინება (50-ე მუხლის მე-5 პუნქტი) 3. არჩევნების გამოცხადებიდან არჩევნების შედეგების შეჯამებამდე გაზეთები, რომლებიც ფინანსდება მუნიციპალიტეტის ბიუჯეტიდან, ვალდებული არიან, დაიცვან საარჩევნო კოდექსის 50-ე მუხლის მე-2 პუნქტით დადგენილი მოთხოვნები (50-ე მუხლის მე-2 პუნქტი) 4. საარჩევნო სუბიექტობის კანდიდატი/საარჩევნო სუბიექტი ანტიკორუფციულ ბიუროს არჩევნების დანიშვნის დღიდან 3 კვირაში ერთხელ, ანტიკორუფციული ბიუროს მიერ დადგენილი ფორმით წარუდგენს შესაბამის ფინანსურ ანგარიშს. (57-ე მუხლის პირველი პუნქტი)
არაუგვიანეს 59-ე დღისა	28 აგვისტო ოთხშაბათი	მუნიციპალიტეტის წარმომადგენლობითი ორგანოს - საკრებულოს 2021 წლის 2 ოქტომბრის არჩევნების მაჟორიტარული საარჩევნო სისტემით თვითმმართველი თემების სამტრედიის მუნიციპალიტეტის №54.11 და ჩოხატაურის მუნიციპალიტეტის №62.11 ადგილობრივ მაჟორიტარულ საარჩევნო ოლქში გასამართი თვითმმართველი თემების სამტრედიისა და ჩოხატაურის მუნიციპალიტეტების საკრებულოების 2024 წლის 26 ოქტომბრის შუალედური არჩევნების დანიშვნის შესახებ ცნობა ქვეყნდება ცესკოს ოფიციალურ ვებგვერდზე და მასობრივი ინფორმაციის საშუალებებით (133-ე მუხლის მე-4 პუნქტი)
არაუგვიანეს 55-ე დღისა	1 სექტემბერი კვირა	1. ცესკო საქართველოს ფინანსთა სამინისტროს წარუდგენს არჩევნების მომზადებისა და ჩატარების დაფინანსების გეგმას (53-ე მუხლის პირველი პუნქტი) 2. ცესკო თავის ვებგვერდზე აქვეყნებს ამომრჩეველთა საერთო რაოდენობას საარჩევნო ოლქებში (31-ე მუხლის მე-14 პუნქტი) 3. მუნიციპალიტეტის ორგანოები ვალდებული არიან შეადგინონ იმ შენობა-ნაგებობების ნუსხა, სადაც შესაძლებელია ჩატარდეს წინასაარჩევნო კამპანია (აგიტაცია), და გადასცენ იგი საოლქო საარჩევნო კომისიას. საოლქო საარჩევნო კომისია ვალდებულია მუნიციპალიტეტის ორგანოთა მიერ გამოყოფილი შენობა-ნაგებობების ნუსხა გაასაჯაროოს მისი მიღებიდან 2 დღის ვადაში. მუნიციპალიტეტის ორგანოთა მიერ გამოყოფილი შენობა-ნაგებობების ნუსხა, აგრეთვე, უნდა გამოქვეყნდეს ცესკოს ვებგვერდზე (ბოლო ვადა) (45-ე მუხლის მე-9 პუნქტი) 4. სამაუწყებლო ლიცენზიის მფლობელი, ავტორიზებული მაუწყებელი, საზოგადოებრივი მაუწყებელი, საზოგადოებრივი მაუწყებლის აჭარის ტელევიზია/რადიო ვალდებულია ცესკოს და საქართველოს კომუნიკაციების ეროვნულ კომისიას ვებგვერდზე გამოქვეყნების მიზნით გადასცეს ინფორმაცია ფასიანი წინასაარჩევნო რეკლამის განსათავსებლად საეთერო დროის ტარიფების შესახებ. (ბოლო ვადა) (50-ე მუხლის პირველი პუნქტი)
არაუგვიანეს 53-ე დღისა	3 სექტემბერი სამშაბათი	საოლქო საარჩევნო კომისია ასაჯაროებს მუნიციპალიტეტის ორგანოთა მიერ წინასაარჩევნო კამპანიის (აგიტაციის) ჩასატარებლად გამოყოფილი შენობა-ნაგებობების ნუსხას. მუნიციპალიტეტის ორგანოთა მიერ გამოყოფილი შენობა-ნაგებობების ნუსხა უნდა გამოქვეყნდეს აგრეთვე, ცესკოს ვებგვერდზე. (ბოლო ვადა)

		(45-ე მუხლის მე-9 პუნქტი)
არაუგვიანეს 50-ე დღისა	6 სექტემბერი პარასკევი	1. საქართველოს ფინანსთა სამინისტრო, ცესკოს მიერ მისთვის წარდგენილი გეგმის შესაბამისად, უზრუნველყოფს არჩევნების მომზადებისა და ჩატარებისათვის განკუთვნილი ასიგნების გამოყოფას საქართველოს სახელმწიფო ბიუჯეტიდან ცესკოს შესაბამის საბიუჯეტო პროგრამულ კოდზე (53-ე მუხლის მე-2 პუნქტი) 2. მუნიციპალიტეტის ორგანოები აქვეყნებენ სააგიტაციო მასალის გასაკრავად და გამოსაფენად გამოყოფილი ადგილების ან/და დადგმული სტენდების შესახებ ინფორმაციას (ბოლო ვადა) (46-ე მუხლის მე-5 პუნქტი)
50-ე დღიდან	6 სექტემბერი პარასკევი	1. ძალაში შედის სამაუწყებლო ლიცენზიის მფლობელის, ავტორიზებული მაუწყებლის, საზოგადოებრივი მაუწყებლის, საზოგადოებრივი მაუწყებლის აჭარის ტელევიზიის/რადიოს მიერ ცესკოსა და საქართველოს კომუნიკაციების ეროვნული კომისიისთვის ვებგვერდზე გამოქვეყნების მიზნით გადაცემული ფასიანი წინასაარჩევნო რეკლამის განსათავსებლად საეთერო დროის ტარიფები. (50-ე მუხლის პირველი პუნქტი) 2. საარჩევნო კოდექსის 50-ე მუხლის პირველ პუნქტში აღნიშნული შესაბამისი პირი ვალდებულია დაიწყოს რეკლამის განთავსება ამავე პუნქტით განსაზღვრული პირობების დაცვით. (50-ე მუხლის პირველი პუნქტი)
არაუგვიანეს 47-ე დღისა	9 სექტემბერი ორშაბათი	1. საკრებულოს შუალედურ არჩევნებში მონაწილეობის მიზნით საარჩევნო კოდექსის 142-ე მუხლის პირველი პუნქტის „ა“ ქვეპუნქტში აღნიშნული პარტია, აგრეთვე პარტია, რომელმაც რეგისტრაცია გაიარა მუნიციპალიტეტის ორგანოთა ბოლო არჩევნებში მონაწილეობისთვის, განცხადებით მიმართავს ცესკოს (154-ე მუხლის მე-5 პუნქტი) ➤ ცესკოს სათანადო სამსახური ამოწმებს განცხადებასა და თანდართულ საბუთებს და კომისიაში განცხადების შეტანიდან არა უგვიანეს მომდევნო დღისა დასკვნას წარუდგენს ცესკოს თავმჯდომარეს (142-ე მუხლის მე-7 პუნქტი) 2. ცესკოს განცხადებით მიმართავს პარტია, რომელიც ვერ აკმაყოფილებს საარჩევნო კოდექსის 154-ე მუხლის მე-5 პუნქტის პირობას. ასეთ პარტიას განცხადების მიღებისთანავე ცესკო გადასცემს პარტიის მხარდამჭერთა სიის ნიმუშს მხარდამჭერთა ხელმოწერების შესაგროვებლად (154-ე მუხლის მე-5 პუნქტი) 3. შესაბამის საოლქო საარჩევნო კომისიას განცხადებით მიმართავს ამომრჩეველთა საინიციატივო ჯგუფი, რომლის რეგისტრაცია და რომლის მიერ წარდგენილი კანდიდატის რეგისტრაცია ხორციელდება საარჩევნო კოდექსის 141-ე მუხლით დადგენილი წესით (154-ე მუხლის მე-5 პუნქტი) ➤ არაუგვიანეს განცხადების წარდგენის მომდევნო დღისა შესაბამისი საარჩევნო კომისიის თავმჯდომარე რეგისტრაციაში ატარებს ამომრჩეველთა საინიციატივო ჯგუფს. თუ დარღვეულია საარჩევნო კოდექსის 141-ე მუხლის მე-4-მე-6 პუნქტებით დადგენილი მოთხოვნები, შესაბამისი საარჩევნო კომისიის თავმჯდომარე ხარვეზის შესახებ დაუყოვნებლივ აცნობებს ამომრჩეველთა საინიციატივო ჯგუფის წარმომადგენელს. შესწორებული საბუთები არა უგვიანეს მომდევნო დღისა უბრუნდება შესაბამისი საარჩევნო კომისიის თავმჯდომარეს ამომრჩეველთა საინიციატივო ჯგუფის რეგისტრაციაში გასატარებლად. (141-ე მუხლის მე-7 პუნქტი) 4. საქართველოს პარლამენტის არჩევნებში ცესკოს თავმჯდომარის მიერ რეგისტრირებული პარტიები, რომელთაც სჭირდებათ საარჩევნო რეგისტრაცია საკრებულოს შუალედურ არჩევნებში მონაწილეობისათვის, მონაწილეობის თაობაზე მხოლოდ პარტიის უფლებამოსილი პირის (პირების) მიერ ხელმოწერილი განცხადებით მიმართავენ ცესკოს თავმჯდომარეს. (ბოლო ვადა) (ცესკოს დადგენილება №40/2024)
არაუგვიანეს	10	1. ცესკოს სათანადო სამსახური ამოწმებს საარჩევნო კოდექსის 142-ე მუხლის პირველი

46-ე დღისა	სექტემბერი სამშაბათი	პუნქტის „ა“ ქვეპუნქტით განსაზღვრული პარტიის და მუნიციპალიტეტის ორგანოთა ბოლო არჩევნებში მონაწილეობისთვის რეგისტრირებული პარტიის განცხადებასა და თანდართულ საბუთებს და დასკვნას წარუდგენს ცესკოს თავმჯდომარეს (ბოლო ვადა) (142-ე მუხლის მე-7 პუნქტი, 154-ე მუხლის მე-5 პუნქტი) ➤ დასკვნის წარდგენიდან არა უგვიანეს მომდევნო დღისა ცესკოს თავმჯდომარე საარჩევნო რეგისტრაციაში გაატარებს პარტიასა და მის წარმომადგენელს, თუ წარდგენილი განცხადება და თანდართული საბუთები შეესაბამება საარჩევნო კოდექსით დადგენილ მოთხოვნებს, წინააღმდეგ შემთხვევაში, წერილობით აცნობებს პარტიის წარმომადგენელს საარჩევნო კოდექსით დადგენილ მოთხოვნებთან განცხადებისა და თანდართული საბუთების შეუსაბამობის შესახებ (შეუსაბამობის მითითებით), თუ არსებობს ასეთი შეუსაბამობა (142-ე მუხლის მე-8 პუნქტის „ა“ და „ბ“ ქვეპუნქტები) 2. საოლქო საარჩევნო კომისიის თავმჯდომარე რეგისტრაციაში ატარებს ამომრჩეველთა საინიციატივო ჯგუფს. თუ დარღვეულია საარჩევნო კოდექსის 141-ე მუხლის მე-4-მე-6 პუნქტებით დადგენილი მოთხოვნები, შესაბამისი საარჩევნო კომისიის თავმჯდომარე ხარვეზის შესახებ დაუყოვნებლივ აცნობებს ამომრჩეველთა საინიციატივო ჯგუფის წარმომადგენელს. შესწორებული საბუთები არა უგვიანეს მომდევნო დღისა უბრუნდება შესაბამისი საარჩევნო კომისიის თავმჯდომარეს ამომრჩეველთა საინიციატივო ჯგუფის რეგისტრაციაში გასატარებლად. (141-ე მუხლის მე-7 პუნქტი)
არაუგვიანეს 45-ე დღისა	11 სექტემბერი ოთხშაბათი	1. ცესკოს თავმჯდომარე საარჩევნო რეგისტრაციაში გაატარებს საარჩევნო კოდექსის 142-ე მუხლის პირველი პუნქტის „ა“ ქვეპუნქტით განსაზღვრულ პარტიასა და მის წარმომადგენელს, აგრეთვე მუნიციპალიტეტის ორგანოთა ბოლო არჩევნებში მონაწილეობისთვის რეგისტრირებულ პარტიას და მის წარმომადგენელს, თუ წარდგენილი განცხადება და თანდართული საბუთები შეესაბამება საარჩევნო კოდექსით დადგენილ მოთხოვნებს, წინააღმდეგ შემთხვევაში წერილობით აცნობებს პარტიის წარმომადგენელს საარჩევნო კოდექსით დადგენილ მოთხოვნებთან განცხადებისა და თანდართული საბუთების შეუსაბამობის შესახებ (შეუსაბამობის მითითებით), თუ არსებობს ასეთი შეუსაბამობა, და მას 3 დღე ეძლევა განცხადებისა და საბუთების სრულყოფისთვის (ბოლო ვადა) (142-ე მუხლის მე-8 პუნქტის „ა“ და „ბ“ ქვეპუნქტები, 154-ე მუხლის მე-5 პუნქტი) 2. ამომრჩეველთა საინიციატივო ჯგუფის შესწორებული საბუთები უბრუნდება საოლქო საარჩევნო კომისიის თავმჯდომარეს საინიციატივო ჯგუფის რეგისტრაციაში გასატარებლად (ბოლო ვადა) (141-ე მუხლის მე-7 პუნქტი) 3. ცესკო საოლქო საარჩევნო კომისიისათვის გამოყოფილ ფულად სახსრებს რიცხავს საოლქო საარჩევნო კომისიის მიმდინარე ანგარიშზე. (53-ე მუხლის მე-4 პუნქტი)
არაუგვიანეს 42-ე დღისა	14 სექტემბერი შაბათი	საარჩევნო კოდექსის 142-ე მუხლის პირველი პუნქტის „ა“ ქვეპუნქტით განსაზღვრული პარტიისა და მუნიციპალიტეტის ორგანოთა ბოლო არჩევნებში მონაწილეობისთვის რეგისტრირებული პარტიის მიერ განცხადებისა და საბუთების შესწორების ბოლო ვადა (142-ე მუხლის მე-8 პუნქტის „ბ“ ქვეპუნქტი, 154-ე მუხლის მე-5 პუნქტი) ➤ შესწორებული განცხადებისა და საბუთების შემოწმება და საარჩევნო რეგისტრაციის საკითხის გადაწყვეტა ხორციელდება მათი წარდგენიდან არა უგვიანეს მომდევნო დღისა. თუ შესწორებული განცხადება და საბუთები შეესაბამება საარჩევნო კოდექსის 142-ე მუხლით დადგენილ მოთხოვნებს, ცესკოს თავმჯდომარე რეგისტრაციაში გაატარებს პარტიასა და მის წარმომადგენელს. წინააღმდეგ შემთხვევაში იგი იმავე ვადაში გამოსცემს განკარგულებას საარჩევნო რეგისტრაციაზე უარის თქმის შესახებ. ეს განკარგულება პარტიის წარმომადგენელს დაუყოვნებლივ ეცნობება და მოთხოვნისთანავე გადაეცემა. აღნიშნული პროცედურები მთავრდება არჩევნების დღემდე არა უგვიანეს 37-ე დღისა (142-ე მუხლის მე-9 პუნქტი)

არაუგვიანეს 41-ე დღისა	15 სექტემბერი კვირა	საარჩევნო კოდექსის 142-ე მუხლის პირველი პუნქტის „ა“ ქვეპუნქტით განსაზღვრული პარტიისა და მუნიციპალიტეტის ორგანოთა ბოლო არჩევნებში მონაწილეობისთვის რეგისტრირებული პარტიის შესწორებული განცხადებისა და საბუთების შემოწმებისა და საარჩევნო რეგისტრაციის საკითხის გადაწყვეტის ბოლო ვადა. თუ შესწორებული განცხადება და საბუთები შეესაბამება საარჩევნო კოდექსით დადგენილ მოთხოვნებს, ცესკოს თავმჯდომარე რეგისტრაციაში გაატარებს პარტიასა და მის წარმომადგენელს. წინააღმდეგ შემთხვევაში იგი გამოსცემს განკარგულებას საარჩევნო რეგისტრაციაზე უარის თქმის შესახებ. ეს განკარგულება პარტიის წარმომადგენელს დაუყოვნებლივ ეცნობება და მოთხოვნისთანავე გადაეცემა (142-ე მუხლის მე-9 პუნქტი, 154-ე მუხლის მე-5 პუნქტი)
არაუგვიანეს მე-40 დღისა	16 სექტემბერი ორშაბათი	1. პარტია, რომელიც ვერ აკმაყოფილებს საარჩევნო კოდექსის 154-ე მუხლის მე-5 პუნქტით განსაზღვრულ პირობას, ცესკოს წარუდგენს საკრებულოს არჩევნებში პარტიის მონაწილეობის მხარდამჭერი ამომრჩევლების სიას (154-ე მუხლის მე-6 პუნქტი) ➤ ცესკოს სათანადო სამსახური ამოწმებს მხარდამჭერთა სიას საარჩევნო კოდექსის 38-მუხლით დადგენილი წესით (142-ე მუხლის მე-2 და მე-10 პუნქტები) 2. საკრებულოს წევრობის კანდიდატის რეგისტრაციაში გასატარებლად ამომრჩეველთა საინიციატივო ჯგუფის წარმომადგენელმა შესაბამისი საოლქო საარჩევნო კომისიის თავმჯდომარეს უნდა წარუდგინოს კანდიდატის მხარდამჭერ ამომრჩეველთა სია, რომელიც მოწმდება საარჩევნო კანონმდებლობით დადგენილი წესით, მისი წარდგენიდან 3 დღის ვადაში (141-ე მუხლის მე-8 პუნქტი)
არაუგვიანეს 38-ე დღისა	18 სექტემბერი ოთხშაბათი	ცესკოს სათანადო სამსახური საარჩევნო კოდექსის 38-მუხლით დადგენილი წესით ამოწმებს იმ პარტიის მხარდამჭერთა სიას, რომელიც ვერ აკმაყოფილებს საარჩევნო კოდექსის 154-ე მუხლის მე-5 პუნქტით განსაზღვრულ პირობას და დასკვნას წარუდგენს ცესკოს თავმჯდომარეს (ბოლო ვადა) (142-ე მუხლის მე-2 პუნქტი)
არაუგვიანეს 37-ე დღისა	19 სექტემბერი ხუთშაბათი	1. მთავრდება საარჩევნო კოდექსის 142-ე მუხლის პირველი პუნქტის „ა“ ქვეპუნქტით განსაზღვრული პარტიისა და მუნიციპალიტეტის ორგანოთა ბოლო არჩევნებში მონაწილეობისთვის რეგისტრირებული პარტიის რეგისტრაციის პროცედურები (142-ე მუხლის მე-9 პუნქტი) 2. ცესკოს თავმჯდომარე, სათანადო სამსახურის დასკვნის საფუძველზე, საარჩევნო რეგისტრაციაში ატარებს იმ პარტიას და მის წარმომადგენელს, რომელიც ვერ აკმაყოფილებს საარჩევნო კოდექსის 154-ე მუხლის მე-5 პუნქტით განსაზღვრულ პირობას, ან გამოსცემს განკარგულებას საარჩევნო რეგისტრაციაზე უარის თქმის შესახებ. ეს განკარგულება პარტიის წარმომადგენელს დაუყოვნებლივ ეცნობება და მოთხოვნისთანავე გადაეცემა (ბოლო ვადა) (142-ე მუხლის მე-10 პუნქტი) 3. საოლქო საარჩევნო კომისია ამოწმებს საინიციატივო ჯგუფის კანდიდატის მხარდამჭერთა სიას (ბოლო ვადა) (141-ე მუხლის მე-8 პუნქტი)
არაუგვიანეს 35-ე დღისა	21 სექტემბერი შაბათი	1. საოლქო საარჩევნო კომისიის თავმჯდომარე საარჩევნო რეგისტრაციაში ატარებს ამომრჩეველთა საინიციატივო ჯგუფის მიერ წარდგენილ საკრებულოს წევრობის მაჟორიტარ კანდიდატს, თუ საკრებულოს წევრობის მაჟორიტარი კანდიდატის სარეგისტრაციო დოკუმენტაცია აკმაყოფილებს საარჩევნო კოდექსითა და ცესკოს №15/2018 დადგენილებით განსაზღვრულ მოთხოვნებს, წინააღმდეგ შემთხვევაში, წერილობით აცნობებს ამომრჩეველთა საინიციატივო ჯგუფის წარმომადგენელს საარჩევნო კოდექსითა და ცესკოს №15/2018 დადგენილებით განსაზღვრულ მოთხოვნებთან საკრებულოს წევრობის მაჟორიტარი კანდიდატის სარეგისტრაციო დოკუმენტაციაში არსებული მონაცემების შეუსაბამობის შესახებ (შეუსაბამობის მითითებით), თუ არსებობს ასეთი შეუსაბამობა. ამომრჩეველთა საინიციატივო ჯგუფის წარმომადგენელს 3 დღე ეძლევა საბუთების სრულყოფისთვის (145-ე მუხლის

		<i>პირველი პუნქტი, ცესკოს დადგენილება №15/2018)</i> 2. ფასიანი წინასაარჩევნო რეკლამის განსათავსებლად საეთერო დროის ტარიფების შეცვლის ბოლო ვადა, გარდა საარჩევნო კოდექსით გათვალისწინებული შემთხვევისა. ტარიფის შეცვლის შემთხვევაში ახალი ტარიფი ეგზავნება საქართველოს კომუნიკაციების ეროვნულ კომისიას ვებგვერდზე გამოქვეყნების მიზნით. ეს ტარიფი ძალაში შედის კენჭისყრამდე 30-ე კალენდარულ დღეს. <i>(50-ე მუხლის პირველი პუნქტი)</i>
არაუგვიანეს 32-ე დღისა	24 სექტემბერი სამშაბათი	ამომრჩეველთა საინიციატივო ჯგუფის წარმომადგენლის მიერ სრულყოფილი საბუთების შესაბამის საოლქო საარჩევნო კომისიაში დაბრუნების ბოლო ვადა. შესწორებული მონაცემები მოწმდება და საარჩევნო რეგისტრაციის საკითხი წყდება მონაცემების წარდგენიდან 3 დღის ვადაში <i>(145-ე მუხლის მე-2 პუნქტი; ცესკოს დადგენილება №15/2018)</i>
არაუგვიანეს 30-ე დღისა	26 სექტემბერი ხუთშაბათი	1. საარჩევნო ოლქში მაჟორიტარი კანდიდატის წარდგენის მიზნით არჩევნებში დამოუკიდებლად მონაწილე პარტიამ სათანადო განცხადებით უნდა მიმართოს შესაბამის საოლქო საარჩევნო კომისიას <i>(144-ე მუხლის მე-2 პუნქტი)</i> ➤ პარტიის მიერ წარდგენილი საკრებულოს წევრობის მაჟორიტარი კანდიდატის საბუთებს ამოწმებს შესაბამისი საოლქო საარჩევნო კომისიის თავმჯდომარე, რომელიც მისი წარდგენიდან 2 დღის ვადაში, მაგრამ არა უგვიანეს არჩევნების დღემდე 28-ე დღისა, საარჩევნო რეგისტრაციაში გაატარებს კანდიდატს, თუ სარეგისტრაციო დოკუმენტაცია აკმაყოფილებს საარჩევნო კოდექსით დადგენილ მოთხოვნებს. წინააღმდეგ შემთხვევაში, წერილობით აცნობებს პარტიის წარმომადგენელს საარჩევნო კოდექსით დადგენილ მოთხოვნებთან კანდიდატის სარეგისტრაციო დოკუმენტაციაში არსებული მონაცემების შეუსაბამობის შესახებ (შეუსაბამობის მითითებით), თუ არსებობს ასეთი შეუსაბამობა. პარტიის წარმომადგენელს 3 დღე ეძლევა საბუთების სრულყოფისთვის. <i>(145-ე მუხლის პირველი პუნქტი)</i> 2. ცესკო თავის ოფიციალურ ვებგვერდზე აქვეყნებს რეგისტრირებული პარტიების სიას განცხადებების წარდგენის რიგის მიხედვით, აგრეთვე, იმ პარტიების სიას, რომელთაც უარი ეთქვათ რეგისტრაციაზე ან რომელთა რეგისტრაციაც გაუქმდა, და ამის მიზეზებს <i>(142-ე მუხლის 22-ე პუნქტი)</i> 3. განისაზღვრება საარჩევნო სუბიექტის რიგითი ნომერი, საარჩევნო კოდექსის 38¹ მუხლით დადგენილი წესით. თუ საარჩევნო სუბიექტს შუალედური არჩევნებისათვის რიგითი ნომერი არ აქვს, მას რიგითი ნომერი წილისყრით, საარჩევნო კოდექსის 38¹ მუხლით დადგენილი წესით მიენიჭება <i>(38¹ მუხლის პირველი და მე-10 პუნქტები)</i>
30-ე დღიდან	26 სექტემბერი ხუთშაბათი	ძალაში შედის ფასიანი წინასაარჩევნო რეკლამის განსათავსებლად საეთერო დროის შეცვლილი ტარიფები. <i>(50-ე მუხლის პირველი პუნქტი)</i>
არაუგვიანეს 29-ე დღისა	27 სექტემბერი პარასკევი	თუ შესწორებული მონაცემები შეესაბამება საარჩევნო კოდექსით განსაზღვრულ მოთხოვნებს, შესაბამისი საოლქო საარჩევნო კომისიის თავმჯდომარე საარჩევნო რეგისტრაციაში ატარებს საინიციატივო ჯგუფის მიერ წარდგენილ საკრებულოს წევრობის მაჟორიტარ კანდიდატს, ხოლო შეუსაბამობის შემთხვევაში, იმავე ვადაში გამოსცემს განკარგულებას საარჩევნო რეგისტრაციაზე უარის თქმის შესახებ (განკარგულებაში ზუსტად აღინიშნება რეგისტრაციაზე უარის თქმის მიზეზები და კანონის ის ნორმები, რომელთა მოთხოვნების დაუკმაყოფილებლობამაც გამოიწვია უარის თქმა). განკარგულება ამომრჩეველთა საინიციატივო ჯგუფის წარმომადგენელს დაუყოვნებლივ ეცნობება და მოთხოვნისთანავე გადაეცემა (ბოლო ვადა) <i>(145-ე მუხლის მე-3 პუნქტი, ცესკოს დადგენილება №15/2018)</i>

არაუგვიანეს 28-ე დღისა	28 სექტემბერი შაბათი	შესაბამისი საოლქო საარჩევნო კომისიის თავმჯდომარე საარჩევნო რეგისტრაციაში ატარებს პარტიის მიერ წარდგენილ საკრებულოს წევრობის მაჟორიტარ კანდიდატს, თუ სარეგისტრაციო დოკუმენტაცია, აკმაყოფილებს საარჩევნო კოდექსით დადგენილ მოთხოვნებს. წინააღმდეგ შემთხვევაში წერილობით აცნობებს პარტიის წარმომადგენელს საარჩევნო კოდექსით დადგენილ მოთხოვნებთან კანდიდატის სარეგისტრაციო დოკუმენტაციაში არსებული მონაცემების შეუსაბამობის შესახებ (შეუსაბამობის მითითებით), თუ არსებობს ასეთი შეუსაბამობა. პარტიის წარმომადგენელს 3 დღე ეძლევა საბუთების სრულყოფისთვის (ბოლო ვადა) (145-ე მუხლის პირველი პუნქტი)
არაუგვიანეს 26-ე დღისა	30 სექტემბერი ორშაბათი	შესაბამისი საარჩევნო კომისიის თავმჯდომარე საინიციატივო ჯგუფის მიერ წარდგენილ საკრებულოს წევრობის მაჟორიტარ კანდიდატს აძლევს შესაბამის მოწმობას (ბოლო ვადა) (145-ე მუხლის მე-4 პუნქტი)
არაუგვიანეს 25-ე დღისა	1 ოქტომბერი სამშაბათი	1. პარტიის წარმომადგენლის მიერ საკრებულოს წევრობის მაჟორიტარი კანდიდატის სარეგისტრაციო დოკუმენტაციის შესწორების ბოლო ვადა (145-ე მუხლის პირველი პუნქტის „ბ“ ქვეპუნქტი) 2. რეგისტრირებული მაჟორიტარი კანდიდატის შესახებ იმ მონაცემებს, რომლებიც საარჩევნო ბიულეტენში შეიტანება, თავის ოფიციალურ ვებგვერდზე აქვეყნებს ცესკო (38 ¹ მუხლის მე-11 პუნქტი)
არა უგვიანეს 22-ე დღისა	4 ოქტომბერი პარასკევი	თუ პარტიის მიერ წარდგენილი საკრებულოს წევრობის მაჟორიტარი კანდიდატის სარეგისტრაციო დოკუმენტაციის შესწორებული მონაცემები შეესაბამება საარჩევნო კოდექსით დადგენილ მოთხოვნებს, შესაბამისი საარჩევნო კომისიის თავმჯდომარე საარჩევნო რეგისტრაციაში გაატარებს საკრებულოს წევრობის მაჟორიტარ კანდიდატს, ხოლო შეუსაბამობის შემთხვევაში - გამოსცემს განკარგულებას კანდიდატისთვის საარჩევნო რეგისტრაციაზე უარის თქმის შესახებ. განკარგულება პარტიის წარმომადგენელს დაუყოვნებლივ უნდა ეცნობოს და მოთხოვნისთანავე გადაეცეს (ბოლო ვადა) (145-ე მუხლის მე-2 და მე-3 პუნქტები)
არა უგვიანეს მე-19 დღისა	7 ოქტომბერი ორშაბათი	შესაბამისი საოლქო საარჩევნო კომისიის თავმჯდომარე საკრებულოს წევრობის კანდიდატებს გადასცემს კანდიდატის მოწმობებს (ბოლო ვადა) (145-ე მუხლის მე-4 პუნქტი)
არაუგვიანეს მე-16 დღისა	10 ოქტომბერი ხუთშაბათი	1. პარტიას/ამომრჩეველთა საინიციატივო ჯგუფს უფლება აქვს, რეგისტრაციის შემდეგ გააუქმოს თავისი გადაწყვეტილება საკრებულოს წევრობის კანდიდატის წარდგენის შესახებ. შესაბამისი საოლქო საარჩევნო კომისია ცესკოს ოფიციალურ ვებგვერდზე დაუყოვნებლივ აქვეყნებს ცნობას კანდიდატად წარდგენის შესახებ გადაწყვეტილების გაუქმების თაობაზე. (146-ე მუხლის პირველი და მე-3 პუნქტები) 2. საკრებულოს წევრობის კანდიდატს უფლება აქვს მოხსნას თავისი კანდიდატურა, რისთვისაც მან სათანადო განცხადებით უნდა მიმართოს შესაბამის საოლქო საარჩევნო კომისიას. შესაბამისი საოლქო საარჩევნო კომისია ცესკოს ოფიციალურ ვებგვერდზე დაუყოვნებლივ აქვეყნებს ცნობას კანდიდატის რეგისტრაციის გაუქმების თაობაზე. (146-ე მუხლის მე-2 და მე-3 პუნქტები)
არაუგვიანეს მე-10 დღისა	16 ოქტომბერი ოთხშაბათი	1. შესაბამის საარჩევნო კომისიას საარჩევნო ბიულეტენში შეაქვს კანდიდატის შესახებ მონაცემები წილისყრით განსაზღვრული რიგითობის შესაბამისად. (147-ე მუხლის მე-3 პუნქტი) 2. რეგისტრაციაში გატარების მიზნით ადგილობრივი დამკვირვებელი ორგანიზაცია განცხადებით მიმართავს შესაბამის საარჩევნო კომისიას, რომელიც განცხადების მიღებიდან 5 დღის ვადაში წყვეტს ადგილობრივი დამკვირვებელი ორგანიზაციის რეგისტრაციის საკითხს. (მე-14 მუხლის პირველი პუნქტის „მ“ ქვეპუნქტი, მე-40 მუხლის მე-3 პუნქტი)

არაუგვიანეს მე-7 დღისა	19 ოქტომბერი შაბათი	- რეგისტრაციაში გატარების მიზნით საერთაშორისო დამკვირვებელი ორგანიზაცია განცხადებით მიმართავს ცესკოს. ცესკო განცხადების მიღებიდან 5 დღის ვადაში, მაგრამ კენჭისყრის დღემდე არაუგვიანეს მე-4 დღისა, წყვეტს საერთაშორისო დამკვირვებელი ორგანიზაციის, დამკვირვებლის (დამკვირვებელთა ჯგუფის) რეგისტრაციის საკითხს. (მე-40 მუხლის მე-4 პუნქტი) - საარჩევნო კოდექსის 61-ე მუხლით, ასევე, „კენჭისყრის ელექტრონული საშუალებების გამოყენებით ჩატარების წესისა და პირობების განსაზღვრის შესახებ“ საქართველოს ცენტრალური საარჩევნო კომისიის 2023 წლის 6 თებერვლის №7/2023 დადგენილებით დამტკიცებული კენჭისყრის ელექტრონული საშუალებებით ჩატარების წესისა და პირობებით გათვალისწინებული კომისიის წევრთა ფუნქციების გასაწესილებელ წილისყრას საუბნო საარჩევნო კომისიები ატარებენ კენჭისყრამდე არაუგვიანეს მე-7 დღისა. (ბოლო ვადა) (ცესკოს დადგენილება №32/2024)
არაუგვიანეს მე-5 დღისა	21 ოქტომბერი ორშაბათი	- ცესკო თავის ვებგვერდზე აქვეყნებს ამომრჩეველთა საერთო რაოდენობას იმ მაჟორიტარულ საარჩევნო ოლქებში სადაც იმართება შუალედური არჩევნები. (31-ე მუხლის მე-14 პუნქტი) - შესაბამისი საარჩევნო კომისია წყვეტს ადგილობრივი დამკვირვებელი ორგანიზაციის რეგისტრაციის საკითხს. (ბოლო ვადა) (მე-40 მუხლის მე-3 პუნქტი) - ცესკოს მიერ რეგისტრირებულმა ადგილობრივმა დამკვირვებელმა ორგანიზაციამ ცესკოს მდივანს ცესკოს მიერ დადგენილი ფორმით უნდა წარუდგინოს საარჩევნო კომისიებში დამკვირვებლების რეგისტრაციის შესახებ განცხადება, რომელშიც აღნიშნული უნდა იყოს, რომ მის მიერ წარდგენილ სიაში შეყვანილი დამკვირვებლები აკმაყოფილებენ საარჩევნო კოდექსის 39-ე მუხლის მე-4 და 4¹ პუნქტებით დადგენილ მოთხოვნებს, აგრეთვე ცესკოში, საოლქო და საუბნო საარჩევნო კომისიებში დანიშნული დამკვირვებლების სია (გვარის, სახელის, რეგისტრაციის ადგილისა და საქართველოს მოქალაქის პირადი ნომრის მითითებით) და თითოეული მათგანის საქართველოს მოქალაქის პირადობის მოწმობის ან საქართველოს მოქალაქის პასპორტის ფოტოასლი. საოლქო საარჩევნო კომისიის მიერ რეგისტრირებულმა ადგილობრივმა დამკვირვებელმა ორგანიზაციამ იმავე ფორმით საოლქო საარჩევნო კომისიის მდივანს უნდა წარუდგინოს საოლქო ან/და მის ქვემდებარე საუბნო საარჩევნო კომისიებში დანიშნული დამკვირვებლების სია და ზემოაღნიშნული დოკუმენტები. (მე-40 მუხლის მე-7 პუნქტი) - შესაბამისი საარჩევნო კომისიის მდივანი ადგილობრივ დამკვირვებელთა სიის წარდგენიდან არა უგვიანეს მე-2 დღისა რეგისტრაციაში ატარებს საარჩევნო კოდექსის მოთხოვნათა დაცვით წარდგენილ დამკვირვებელს და დამკვირვებელ ორგანიზაციას გადასცემს დამკვირვებლის მოწმობას, რომელიც იმავდროულად არის სამკერდე ნიშანი. (მე-40 მუხლის მე-9 პუნქტი) - პრესისა და მასობრივი ინფორმაციის სხვა საშუალებათა წარმომადგენლების აკრედიტაციის შესახებ განცხადება წარედგინება შესაბამის საარჩევნო კომისიას. განცხადებას უნდა ერთოდეს წარმომადგენლების პირადობის მოწმობების ან პასპორტების ფოტოასლები. ორგანიზაციის მიმართვის შემთხვევაში განცხადებას უნდა ერთოდეს მეწარმეთა და არასამეწარმეო (არაკომერციული) იურიდიული პირების რეესტრიდან ამონაწერი. ამონაწერი აკრედიტაციისათვის არ ესაჭიროებათ უცხოურ პრესისა და მასობრივი ინფორმაციის სხვა საშუალებებს, საზოგადოებრივ მაუწყებელს და საზოგადოებრივი მაუწყებლის აჭარის ტელევიზიასა და რადიოს. (44-ე მუხლის მე-3 პუნქტი) განცხადების წარდგენიდან 2 დღის ვადაში შესაბამისი საარჩევნო კომისიის მდივანი წყვეტს პრესისა და მასობრივი ინფორმაციის სხვა საშუალებათა წარმომადგენლების აკრედიტაციის საკითხს და აკრედიტებულ წარმომადგენლებს გადაწყვეტილების მიღებიდან 1 დღის ვადაში გადასცემს სათანადო მოწმობას, ხოლო აკრედიტაციაზე უარის თქმის შემთხვევაში იმავე ვადაში გადასცემს სათანადო განკარგულებას (განკარგულებაში უარი დასაბუთებული უნდა იყოს). (44-ე მუხლის მე-4 პუნქტი)

არაუგვიანეს მე-4 დღისა	22 ოქტომბერი სამშაბათი	ცესკო წყვეტს საერთაშორისო დამკვირვებელი ორგანიზაციის, დამკვირვებლის (დამკვირვებელთა ჯგუფის) რეგისტრაციის საკითხს. (ბოლო ვადა) (მე-40 მუხლის მე-4 პუნქტი)
არაუგვიანეს მე-3 დღისა	23 ოქტომბერი ოთხშაბათი	- შესაბამისი საარჩევნო კომისიის მდივანი რეგისტრაციაში ატარებს საარჩევნო კოდექსის მოთხოვნათა დაცვით წარდგენილ დამკვირვებელს და ადგილობრივ დამკვირვებელ ორგანიზაციას გადასცემს დამკვირვებლის მოწმობას, რომელიც იმავდროულად არის სამკერდე ნიშანი. (ბოლო ვადა) (მე-40 მუხლის მე-9 პუნქტი) - შესაბამისი საარჩევნო კომისიის მდივანი წყვეტს პრესისა და მასობრივი ინფორმაციის სხვა საშუალებათა წარმომადგენლების აკრედიტაციის საკითხს და აკრედიტებულ წარმომადგენლებს გადაწყვეტილების მიღებიდან 1 დღის ვადაში გადასცემს სათანადო მოწმობას, ხოლო აკრედიტაციაზე უარის თქმის შემთხვევაში იმავე ვადაში გადასცემს სათანადო განკარგულებას (განკარგულებაში უარი დასაბუთებული უნდა იყოს). (ბოლო ვადა) (44-ე მუხლის მე-4 პუნქტი)
არაუგვიანეს მე-2 დღისა	24 ოქტომბერი ხუთშაბათი	- ცესკო საოლქო საარჩევნო კომისიებს გადასცემს საარჩევნო ბიულეტენებსა და სპეციალურ კონვერტებს. (63-ე მუხლის მე-9 პუნქტი) - ცესკოს მიერ რეგისტრირებული საერთაშორისო დამკვირვებელი ორგანიზაცია ცესკოს მდივანს წარუდგენს დამკვირვებელთა შესახებ ინფორმაციასა და მათი პირადობის დამადასტურებელი დოკუმენტების ფოტოასლებს. (მე-40 მუხლის მე-6 პუნქტი) - შესაბამისი საარჩევნო კომისიის მდივანი პრესისა და მასობრივი ინფორმაციის სხვა საშუალებათა აკრედიტებულ წარმომადგენლებს გადასცემს სათანადო მოწმობას, ხოლო აკრედიტაციაზე უარის თქმის შემთხვევაში – გადასცემს სათანადო განკარგულებას. (44-ე მუხლის მე-4 პუნქტი)
არჩევნების დღე	26 ოქტომბერი შაბათი	- კენჭისყრის დღეს კენჭისყრის შენობაში აკრძალულია წინასაარჩევნო აგიტაცია. (45-ე მუხლის მე-11 პუნქტი) - დაუშვებელია კენჭისყრის შენობის შესასვლელიდან 25 მეტრის მანძილზე სააგიტაციო მასალის განთავსება. ეს მასალა ჩამოხსნას/დემონტაჟს/აღებას ექვემდებარება. დაუშვებელია აგრეთვე კენჭისყრის დღეს კენჭისყრის შენობაში ან კენჭისყრის შენობიდან 100 მეტრის მანძილზე ამომრჩევლის გადაადგილების ფიზიკურად შეფერხება. ასევე დაუშვებელია კენჭისყრის დღეს კენჭისყრის შენობიდან 100 მეტრის მანძილზე ადამიანთა შეკრება ან ამომრჩეველთა აღრიცხვა. (45-ე მუხლის მე-12 პუნქტი) 6 საათსა და 45 წუთზე იხსნება საარჩევნო უბანი (61-ე მუხლის პირველი პუნქტი, 76-ე მუხლის მე-2 პუნქტი) 8 საათზე იწყება კენჭისყრა კენჭისყრის შენობაში. (61-ე მუხლის მე-11 პუნქტი) - აკრძალულია კენჭისყრამდე 8 საათის განმავლობაში და კენჭისყრის დღის 20:00 საათამდე ტელევიზიისა და რადიოს ეთერში წინასაარჩევნო ფასიანი ან/და უფასო რეკლამის, საარჩევნო სუბიექტების პროგრამების განთავსება და გადაცემა, აგრეთვე საარჩევნო მიზნებისათვის ავტომატიზებული სატელეფონო ზარების განხორციელება და მოკლე ტექსტური შეტყობინებების გაგზავნა. (186-ე მუხლის მე-17 პუნქტი) - აკრძალულია არჩევნებთან დაკავშირებული საზოგადოებრივი აზრის გამოკითხვის შედეგების გამოქვეყნება კენჭისყრის დღის 20:00 საათამდე, გარდა არჩევნების შესაძლო მონაწილეთა და კენჭისყრის დღეს არჩევნების მონაწილეთა რაოდენობისა. (50-ე მუხლის მე-5 პუნქტი) - კენჭისყრის ფარულობის უზრუნველსაყოფად აკრძალულია კენჭისყრის კაბინაში ფოტო- და ვიდეოგადაღება. (58-ე მუხლის მე-6 პუნქტი) - კენჭისყრის შენობაში ყოფნის უფლების მქონე პირებს, კენჭისყრის კაბინის გარდა, საარჩევნო პროცესისათვის ხელის შეშლის გარეშე, შეუძლიათ აწარმოონ ფოტო-

		ვიდეოგადაღება ცესკოს 2012 წლის 24 სექტემბრის №42/2012 დადგენილებით განსაზღვრული წესის შესაბამისად. (მე-8 მუხლის 25-ე პუნქტი, ცესკოს დადგენილება №42/2012) 9. კენჭისყრის დროს აკრძალულია კენჭისყრის შენობის ჩაკეტვა, კენჭისყრის შეწყვეტა ან შეჩერება, გარდა იმ შემთხვევისა, როდესაც შეუძლებელია არჩევნების საყოველთაოობის, თანასწორობისა და ამომრჩეველთა ნების თავისუფალი გამოვლენის უზრუნველყოფა. (მე-60 მუხლის მე-2 პუნქტი) 10.9 საათიდან 19 საათამდე მიმდინარეობს გადასატანი საარჩევნო ყუთის მემწეობით კენჭისყრის პროცედურა. გადასატანი საარჩევნო ყუთი საარჩევნო უბანში უნდა დაბრუნდეს არა უგვიანეს 20 საათისა. (66-ე მუხლის პირველი პუნქტი) 11.12 საათსა და 17 საათზე, საუბნო საარჩევნო კომისიის მდივანი ვალდებულია გადათვალოს ამომრჩეველთა სიაში კენჭისყრის მონაწილე ამომრჩეველთა ხელმოწერების რაოდენობა და ეს რიცხვი შესაბამისი დროის მინიშნებით შეიტანოს საუბნო საარჩევნო კომისიის სადემონსტრაციო ოქმსა და ჩანაწერთა წიგნში. (65-ე მუხლის მე-6 პუნქტი, 76-ე მუხლის პირველი პუნქტის „თ“ ქვეპუნქტი) 12. საუბნო საარჩევნო კომისია რეგისტრაციაში ატარებს იმ ამომრჩეველს, რომელმაც კანონით დადგენილ ვადაში ვერ გაიარა რეგისტრაცია, არჩევნებში მონაწილეობის მიღების მოთხოვნით კენჭისყრის დღეს მიმართა საარჩევნო ადმინისტრაციას და წარადგინა შესაბამისი დოკუმენტები (საქართველოს მოქალაქის პასპორტში ჩანაწერი საზღვრის გადაკვეთის შესახებ, ცნობა სტაციონარული სამკურნალო დაწესებულებიდან, პენიტენციური დაწესებულებიდან გათავისუფლების ცნობა). შესაბამისი საუბნო საარჩევნო კომისია ამომრჩეველთა სიებს დაურთავს დოკუმენტების ფოტოასლებს. (31-ე მუხლის მე-12 პუნქტი) 13. 20 საათზე იკეტება კენჭისყრის შენობა. ამ დროისთვის რიგში მდგომ ამომრჩევლებს შეუძლიათ ხმის მიცემა, რისთვისაც საუბნო საარჩევნო კომისიის თავმჯდომარის დავალებით კომისიის ერთ-ერთი წევრი აღრიცხავს რიგში მდგომ ამომრჩეველთა გვარებსა და სახელებს, მათ რაოდენობას აცნობებს საუბნო საარჩევნო კომისიის თავმჯდომარეს, ხოლო კომისიის მდივანი ჩანაწერთა წიგნში აღნიშნავს რიგში მდგომ ამომრჩეველთა რაოდენობას. (65-ე მუხლის მე-8 პუნქტი) 14. კენჭისყრის დღეს საავადმყოფოებსა და სხვა სტაციონარულ სამკურნალო დაწესებულებებში და ძნელად მისადგომ ადგილებში შექმნილ საარჩევნო უბნებში საუბნო საარჩევნო კომისია კენჭისყრას დამთავრებულად აცხადებს 20 საათამდე ნებისმიერ დროს, თუ კენჭისყრაში მონაწილეობა მიიღო ამომრჩეველთა სიაში შეყვანილმა ყველა ამომრჩეველმა. (მე-60 მუხლის მე-6 პუნქტი) 15. საუბნო საარჩევნო კომისია ვალდებულია კენჭისყრის შედეგების შემაჯამებელი ოქმის ფოტოასლი დაუყოვნებლივ, ოქმის შეცვებისთანავე, თავის ხელთ არსებული ტექნიკური საშუალებებით გაუზიაროს ცესკოს. (71-ე მუხლის მე-14 პუნქტი) 16. ცესკო ვალდებულია უზრუნველყოს საუბნო საარჩევნო კომისიის კენჭისყრის შედეგების შემაჯამებელი ოქმის საჯაროობა, მათ შორის, მისი დაუყოვნებლივ ცესკოს ვებგვერდზე განთავსებით. (76-ე მუხლის მე-8 პუნქტი) 17. საარჩევნო ადმინისტრაციის მოხელეებს ეკრძალებათ არჩევნების წინასწარი შედეგების შესახებ განცხადების გაკეთება, თუ ეს შედეგები სათანადო წესით არ არის გამოქვეყნებული ცესკოს ვებგვერდზე. (76-ე მუხლის მე-4 პუნქტი)
არაუგვიანეს მე-2 დღისა	28 ოქტომბერი ორშაბათი	საოლქო საარჩევნო კომისია გასცემს საუბნო საარჩევნო კომისიის კენჭისყრის შედეგების შემაჯამებელი ოქმის ფოტოასლებს, რომლებიც დამოწმებული უნდა იქნეს საოლქო საარჩევნო კომისიის ბეჭდით და საოლქო საარჩევნო კომისიის თავმჯდომარისა და მდივნის ხელმოწერებით. (71-ე მუხლის მე-9 პუნქტი)
არაუგვიანეს მე-12 დღისა	7 ნოემბერი ხუთშაბათი	ის საარჩევნო სუბიექტი, რომელიც, წინასწარი მონაცემებით, არჩევნებში საარჩევნო კოდექსით დადგენილ ხმების საჭირო რაოდენობას მიიღებს, კენჭისყრის დღიდან არაუგვიანეს 12 დღისა ანტიკორუფციულ ბიუროს წარუდგენს არჩევნების დანიშვნის დღიდან კენჭისყრის დღის ჩათვლით გამოყენებული სახსრების შესახებ

		ანგარიშს. (57-ე მუხლის მე-2 პუნქტი)
არაუგვიანეს მე-15 დღისა	10 ნოემბერი კვირა	საოლქო საარჩევნო კომისია საუბნო საარჩევნო კომისიების შემაჯამებელი ოქმების საფუძველზე, საქართველოს საარჩევნო კანონმდებლობის დარღვევის განხილვის შედეგების გათვალისწინებით, აჯამებს საკრებულოს შუალედური არჩევნების შედეგებს, ადგენს საკრებულოს შუალედურ შედეგებს და საარჩევნო ოლქში გამართული კენჭისყრისა და არჩევნების შედეგების შემაჯამებელ ოქმს, რომლებსაც არა უგვიანეს მომდევნო დღისა გადასცემს ცესკოს. (75-ე მუხლის პირველი პუნქტი) ➤ საოლქო საარჩევნო კომისია ვალდებულია არჩევნების შედეგების შემაჯამებელი ოქმის ასლი შედეგების შეჯამებისთანავე, დაუყოვნებლივ გამოაკრას თვალსაჩინო ადგილას საყოველთაო გაცნობისათვის. (150-ე მუხლის მე-7 პუნქტი) ➤ საოლქო საარჩევნო კომისიის მდივანი კენჭისყრის შედეგების შეჯამებიდან 7 დღის ვადაში გახსნის საუბნო საარჩევნო კომისიების დალუქულ ჩანაწერთა წიგნებს, გადაიღებს წიგნების იმ გვერდების ასლებს, რომლებზედაც შესრულებულია საარჩევნო კოდექსის 65-ე მუხლის 2² პუნქტითა და 67-ე მუხლის 5¹ პუნქტით გათვალისწინებული ჩანაწერები (ამის შემდეგ ჩანაწერთა წიგნი ისევ უნდა დაილუქოს), თავისი ხელმოწერით დაამოწმებს ჩანაწერებს და შესაბამის დალუქულ დოკუმენტებთან (პირადობის მოწმობები/პასპორტების ფოტოასლები) ერთად გადასცემს ცესკოს. (75-ე მუხლის მე-10 პუნქტი) ➤ საარჩევნო კოდექსის 75-ე მუხლის მე-10 პუნქტით განსაზღვრული პროცედურების განხორციელებისას, საოლქო საარჩევნო კომისიის მდივანი, კენჭისყრის შედეგების შეჯამებიდან 7 დღის ვადაში, გადაიღებს ჩანაწერთა წიგნების იმ გვერდების ფოტოასლებს, რომლებზედაც შესრულებულია საარჩევნო კოდექსის 61-ე მუხლის მე-2 პუნქტის „ა“ ქვეპუნქტით გათვალისწინებული ჩანაწერები, ხელმოწერითა და კომისიის ბეჭდით დაამოწმებს მას და საჭიროების შემთხვევაში გადასცემს ცესკოს. (75-ე მუხლის მე-11 პუნქტი) ➤ არჩევნების შედეგების შეჯამებიდან 10 დღის ვადაში საოლქო საარჩევნო კომისია ცესკოს ოფიციალურ ვებგვერდზე აქვეყნებს ცნობას შესაბამის ოლქში საკრებულოს არჩევნების შედეგების შესახებ. (150-ე მუხლის მე-8 პუნქტი) ➤ საარჩევნო სუბიექტი არჩევნების შედეგების გამოქვეყნებიდან არაუგვიანეს 1 თვისა, ანტიკორუფციულ ბიუროს აუდიტორულ (აუდიტორული ფორმის) დასკვნასთან ერთად წარუდგენს არჩევნების დანიშნვის დღიდან არჩევნების საბოლოო შედეგების გამოქვეყნების დღის ჩათვლით გამოყენებული სახსრების შესახებ ანგარიშს. (57-ე მუხლის მე-4 პუნქტი) ➤ არჩევნების შედეგების შეჯამებიდან 60 დღის ვადაში ცესკო საქართველოს პარლამენტს წარუდგენს ანგარიშს. (მე-14 მუხლის პირველი პუნქტის „ვ“ ქვეპუნქტი)
არაუგვიანეს მე-16 დღისა	11 ნოემბერი ორშაბათი	საოლქო საარჩევნო კომისიის არჩევნების შედეგების შემაჯამებელი ოქმის ცესკოსთვის გადაცემის ბოლო ვადა (75-ე მუხლის პირველი პუნქტი)
არაუგვიანეს მე-20 დღისა	15 ნოემბერი პარასკევი	შესაბამისი საარჩევნო კომისიის თავმჯდომარე რეგისტრაციაში ატარებს საკრებულოს წევრად არჩეულ პირს და გადასცემს მას შესაბამის მოწმობას (ბოლო ვადა) (153-ე მუხლი)
არაუგვიანეს მე-22 დღისა	17 ნოემბერი კვირა	საოლქო საარჩევნო კომისიის მდივანი გახსნის საუბნო საარჩევნო კომისიების დალუქულ ჩანაწერთა წიგნებს, გადაიღებს წიგნების იმ გვერდების ასლებს, რომლებზედაც შესრულებულია საარჩევნო კოდექსის 65-ე მუხლის 2² პუნქტითა და 67-ე მუხლის 5¹ პუნქტით გათვალისწინებული ჩანაწერები (ამის შემდეგ ჩანაწერთა წიგნი ისევ უნდა დაილუქოს), თავისი ხელმოწერით დაამოწმებს ჩანაწერებს და შესაბამის დალუქულ დოკუმენტებთან (პირადობის მოწმობების/პასპორტების ფოტოასლები) ერთად გადასცემს ცესკოს. (ბოლო ვადა) (75-ე მუხლის მე-10 პუნქტი) ➤ საარჩევნო კოდექსის 75-ე მუხლის მე-10 პუნქტით განსაზღვრული პროცედურების განხორციელებისას, საოლქო საარჩევნო კომისიის მდივანი გადაიღებს ჩანაწერთა წიგნების იმ გვერდების ფოტოასლებს,

		რომლებზედაც შესრულებულია საარჩევნო კოდექსის 61-ე მუხლის მე-2 პუნქტის „ა“ ქვეპუნქტით გათვალისწინებული ჩანაწერები, ხელმოწერითა და კომისიის ბეჭდით დაამოწმებს მათ და საჭიროების შემთხვევაში გადასცემს ცესკოს. (ბოლო ვადა) (75-ე მუხლის მე-11 პუნქტი)
არაუგვიანეს 25-ე დღისა	20 ნოემბერი ოთხშაბათი	საოლქო საარჩევნო კომისია ცესკოს ოფიციალურ ვებგვერდზე აქვეყნებს ცნობას შესაბამის ოლქში საკრებულოს არჩევნების შედეგების შესახებ. (ბოლო ვადა) (150-ე მუხლის მე-8 პუნქტი)
არაუგვიანეს 30-ე დღისა	25 ნოემბერი ორშაბათი	საარჩევნო სუბიექტი ვალდებულია უზრუნველყოს სააგიტაციო მასალის ჩამოხსნა (ბოლო ვადა) (46-ე მუხლის მე-8 პუნქტი)
არაუგვიანეს 30-ე დღისა	25 ნოემბერი ორშაბათი	საოლქო საარჩევნო კომისია წყვეტს ორგანიზაციებთან და ცალკეულ პირებთან ყოველგვარ ანგარიშსწორებას და 10 დღის ვადაში სახელმწიფო ხაზინის შესაბამის ანგარიშზე ჩარიცხავს თავის ანგარიშზე არსებულ ნაშთს. ამ ნაშთის ჩარიცხვიდან 2 კვირის ვადაში საოლქო საარჩევნო კომისია ცესკოს წარუდგენს საფინანსო ანგარიშს. (53-ე მუხლის მე-5 პუნქტი)
არაუგვიანეს მე-40 დღისა	5 დეკემბერი ხუთშაბათი	1. საოლქო საარჩევნო კომისია სახელმწიფო ხაზინის შესაბამის ანგარიშზე ჩარიცხავს თავის ანგარიშზე არსებულ ნაშთს. ამ ნაშთის ჩარიცხვიდან 2 კვირის ვადაში საოლქო საარჩევნო კომისია ცესკოს წარუდგენს საფინანსო ანგარიშს (ბოლო ვადა) (53-ე მუხლის მე-5 პუნქტი) 2. ცესკო დაამუშავებს საოლქო საარჩევნო კომისიებისაგან მიღებულ, საარჩევნო კოდექსის 75-ე მუხლის მე-10 პუნქტით გათვალისწინებულ საბუთებს და თითოეული შემთხვევისთვის ქმნის ცალკე დოკუმენტს: ყოველი დოკუმენტი შეიცავს ჩანაწერთა წიგნის სათანადო გვერდის დამოწმებულ ასლს და თანდართულ შესაბამის დოკუმენტებს. (76-ე მუხლის მე-9 პუნქტი)
არაუგვიანეს 45-ე დღისა	10 დეკემბერი სამშაბათი	ცესკო, საოლქო საარჩევნო კომისიისაგან მიღებულ, საარჩევნო კოდექსის 75-ე მუხლის მე-10 პუნქტით გათვალისწინებულ დამუშავებულ საბუთებს (ჩანაწერთა წიგნის სათანადო გვერდის დამოწმებულ ასლს და თანდართულ შესაბამის დოკუმენტებს) გადასცემს სააგენტოს, რომელიც ვალდებულია შეისწავლოს ისინი შესაბამის პირთა ვინაობის გადასამოწმებლად. (ბოლო ვადა) (76-ე მუხლის მე-9 პუნქტი)
არაუგვიანეს 54-ე დღისა	19 დეკემბერი ხუთშაბათი	საოლქო საარჩევნო კომისია ცესკოს წარუდგენს საფინანსო ანგარიშს. (ბოლო ვადა) (53-ე მუხლის მე-5 პუნქტი)
არაუგვიანეს 75-ე დღისა	9 იანვარი ხუთშაბათი	ცესკო საქართველოს პარლამენტს წარუდგენს ანგარიშს (ბოლო ვადა) (მე-14 მუხლის პირველი პუნქტის „კ“ ქვეპუნქტი)